

ԳԻՐԱԽՈՍՈՒԹԻՒՆ, ԱՌՋՏԵԼԱԳԻՏՈՒԹԻՒՆ

ՄԵԾ ԵՒ ԻՄԱՍՏԱԼԻՑ ԿՅԱՆՔԻ ՏԱՐԵԳՐՈՒԹՅՈՒՆ

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի մատենագիտությունը. «Էջմիածին» ամսագիր, 1970-2010: Հրապարակության պատրաստեց Տ. Արարատ քահանա Պողոսյանը. Ս. Էջմիածին, 2011:

Գարեգին Բ. Ամենայն Հայոց Կաթողիկոսի ծննդյան 60-ամյակին և զահակության 12-րդ փառելարձին նվիրված հանդիսությունների և հրապարակությունների շրջագծում լույս է ընծայվել Վեհափառ Հայրապետի մասին «Էջմիածին» ամսագրում լույս տեսած նյութերի մատենագիտությունը: Մնայուն և փնտրական արժեք ու նպատակադրում ունեցող նյութեր հրապարակող «Էջմիածին» ամսագիրն իր յուրաքանչյուր համարի մեջ անդրադառնում է Վեհափառ Հայրապետի գործունեությանը, հրապարակում Հայրապետին ուղղված գրությունները, փալագրում Հայրապետական սրբափառ կոնդակները կամ դրանց ցանկերը, օրհնության գրերը և այլն:

Ներկա Մատենագիտությունը կազմել և հրապարակության է պատրաստել «Էջմիածին» ամսագրի աշխատակից արժանապատիվ Տ. Արարատ քահանա Պողոսյանը (ի դեպ մատենագիտության հեղինակը կազմել և հրապարակության է պատրաստել նաև «Էջմիածին» ամսագրի 1974-2008 թվականների ստվարածավալ մատենագիտությունը):

Գրախոսվող սույն մատենագիտությունն ընդգրկում է 1970-2010 թթ. Վեհափառ Հայրապետի գործունեությանը վերաբերող նյութերը: Հիշյալ աշխատության վերաբերյալ նշենք, որ այն կազմվել է այս ժանրի համար ընդունված և լայն փարածում գտած նյութերի թեմատիկ դասավորության սկզբունքով: Կազմողը հիմք է ընդունել Վեհափառ Հայրապետի կյանքին և գործունեությանը վերաբերող նյութերի համեմատաբար առավել կարևորություն ունեցող նյութերի հա-

ջորդական դասավորումը: Մաթենագիությունը բաղկացած է հետևյալ միավորներից.

ա. Կազմողի կողմից,

բ. Գարեգին Բ Ամենայն Տայոց Կաթողիկոսի համառոտ կենսագրականը,

գ. Մաթենագիության նկարագրություն,

դ. Բովանդակություն:

«Կազմողի կողմից» բաժնում հեղինակը ներկայացնում է աշխատանքի նախաձեռնման դրդապատճառները, կարելությունը, մաթենագիությունից օգտվելու կանոններն ու եղանակները: Նշենք, որ հեղինակը որոշակի օգտակար լրացումներով հանդերձ փորձել է չհեռանալ արդեն հրապարակի վրա եղած «Արարապ» և «Էջմիածին» ամսագրերի մաթենագիությունների կազմման և նկարագրման կանոններից՝ այսպիսով անտեղի չբարդացնելով օգտվողների կողմից որևէ նյութի փնտրությունը:

Այնուհետև հաջորդում է Վեհափառ Տայրապետի համառոտ կենսագրականը: Նեղինակը Վեհափառի կենսագրությունը ներկայացնելիս հետևել է «Էջմիածին» ամսագրում ընդունված եղանակին, այսինքն՝ կենսագրականը ներկայացված է խիստ ժամանակագրական սկզբունքով, որն անկաշկանդ հնարավորություն է տալիս թվականների խիստ ընդգծվածության և առանձնացված լինելու պատճառով անմիջապես աչքի զարնել, ինչն էլ օգտվողի համար հեշտացնում է անմիջապես գտնել Տայրապետի կյանքին վերաբերող այն թվականը, որն ինքը փնտրում է: Ընդհանրապես մաթենագիության մեջ հեղինակն առաջնորդվել է «Էջմիածին» ամսագրում ընդունված և ավանդույթ դարձած սկզբունքներով, որով շատ էական կապ է ստեղծվել ամսագրի և մաթենագիության միջև, ինչը նորից հոգուր երկուսից էլ օգտվողների է: Ավանդի վառ վկայությունն է նաև այն, որ հեղինակը Վեհափառի կենսագրականի տվյալները հիմնականում վերցրել է «Էջմիածին» ամսագրում տարբեր աղբյուրներով և տարբեր թվականներին արդեն լույս տեսած կենսագրականներից, ինչպես նաև Ս. Էջմիածնի հրապարակչությունում տպագրված «Ամենայն Տայոց Կաթողիկոսներ» հանրագիտարանի՝ Վեհափառին վերաբերող հոդվածից:

Կենսագրությանն անմիջապես հաջորդող մաթենագիական նկարագրություններն իրենց նկարագրման եղանակով, ինչպես ասացինք, հետևում է նույն հեղինակի «Էջմիածին» ամսագրի 1974-2008 թթ. մաթենագիության նկարագրման սկզբունքներին, ինչն էլ իր հերթին առանց էական տարբերությունների հետևում է Սեդա Կոմիսյանի որդեգրած սկզբունքներին՝ ստեղծելով կարևորագույն կապ «Արարապ»-ից մինչև ներկա մաթենագիությունը: Նկարագրությունները լինելով թեմատիկ՝ ներքին դասավորվածությամբ միմյանց հաջորդում են արդեն ոչ թե այբբենական, այլ ժամանակագրական հաջորդա-

կանությամբ (իմիջայլոց այս սկզբունքն այն էական փարբերություններից մեկն է, որ առկա է սույն հրապարակության եւ նույն հեղինակի՝ «Էջմիածին» ամսագրի 1974-2008 թթ. մասնագիտության միջև, քանի որ վերջինիս մեջ նյութերը նկարագրվում են ըստ ժամանակագրության, իսկ արդեն թվականների (յուրաքանչյուր փարվա) ներքո առաջնորդվում են այբբենական կարգով): Նկարագրությունների մեջ նախ ներկայացված է հոդվածագրի անուն ազգանունը, ապա հոդվածի վերնագիրը, որին հաջորդում են հոդվածի՝ ամսագրում գտնվելու փվյալները. օրինակ՝

Կիրիլ Ա. Մոսկվայի եւ Համայն Ռուսիո Պատրիարք, Մոսկվայի եւ Համայն Ռուսիո Պատրիարք Կիրիլ Ա.-ի շնորհավորական ուղերձը Ծայրագույն Պատրիարք եւ Ամենայն Հայոց Կաթողիկոս Ն. Ս. Օ. Տ. Տ. Գարեգին Բ.-ին՝ գահակալության տասնամյակի առիթով: 2009, ԺԱ., էջ 13-14:

Ինչպես երևում է նկարագրությունից, հոդվածագրի անուն-ազգանունը բուն նկարագրությունից առանձնանում փառափեսակի մգացմամբ (թավ), այս հնարքը նպաստում է, որպեսզի մասնագիտությունից օգտվողը արագությամբ եւ հեշտությամբ կարողանա փարբերակել իր փնտրած հեղինակի անուն-ազգանունը: Նշենք նաեւ, որ այն հոդվածները, որոնք փել են գտել ամսագրում առանց հեղինակի եւ չունեն «անուն-ազգանուն» նմանափայ նկարագրություններում մգացվել են նկարագրության միայն առաջին բառերը, օրինակ՝

Հայրապետական մաղթանք Ամենայն Հայոց Կաթողիկոսի գահակալության 11-րդ տարեդարձի առիթով: 2010, ԺԱ., էջ 17:

Նշենք, որ առանձին դեպքերում մգացվել են նկարագրության առաջին երկու բառերը օրինակ՝

Մայր Աթոռում, Եկեղեցական բեմ. Լուրեր: 2001, Թ., էջ 125-126.

Տ. Արարափ քին. Պողոսյանի կազմած այս մասնագիտությունն առանձնանում է նաեւ նրանով, որ նկարագրությունների վերջում, երբ արդեն նշվում է հոդվածի՝ ամսագրում գտնվելու փելը, հեղինակը ամսագրի համարները նշող գլխագիր փառերի (*Ա-ԺԲ*) կողքին դրել է կեփ (.), ինչը նշանակում է, որ փելներում նշվող գլխափառերը (օրինակ՝ 2003, *ԺԲ.*, էջ 100) պեփք է ընկալել որպես թիվ (օրինակ՝ 2003, 12, էջ 100): Մասնագիտության նկարագրությունների առանձնահատկությունն այն է, որ հեղինակը հոդվածագրի նյութը նկարագրելիս անպայմանորեն նկարագրությանն է կցում նաեւ հոդվածում առկա բոլոր ենթավերնագրերը, որոնք ընթերցողին օգնում են հեշտությամբ գաղափար կազմելու հոդվածի բովանդակության մասին: Նմանօրինակ նկարագրությունների մեջ, որպեսզի բուն նկարագրության վերնագիրն առանձնացվի ենթավերնագրերից՝ ենթավերնագրերը սկսվում են մգացված **Բվնդ.** (=բովանդակություն) սկսվածքով, դրանք ունեն ավելի փոքր փառաչափ եւ փարբերվում են առանձին փառափեսակով, օրինակ՝

Մոսկվայի եւ Համայն Ռուսիո Կիրիլ Ա. Պատրիարքի այցը Հայաստան [16-18 մարտի 2010]: 2010, Գ., էջ 48-64:

Բվկդ. Ն. Ս. Օ. Տ. Տ. Գարեգին Բ. Ամենայն Հայոց Կաթողիկոսի ողջույնի խոսքը Սուրբ Էջմիածնի Մայր Տաճարում Մոսկվայի եւ Համայն Ռուսիո Կիրիլ Ա. Պատրիարքի՝ Հայաստան այցելության առիթով: Ն. Ս. Օ. Տ. Տ. Գարեգին Բ. Ամենայն Հայոց Կաթողիկոսի խոսքը Մոսկվայի եւ Համայն Ռուսիո Կիրիլ Պատրիարքի Հայաստան այցելության առիթով Քանաքեռի ռուսական եկեղեցում: Ն. Ս. Օ. Տ. Տ. Գարեգին Բ. Ամենայն Հայոց Կաթողիկոսի խոսքը Մոսկվայի եւ Համայն Ռուսիո Կիրիլ Պատրիարքի Հայաստան այցելության առիթով միասնական աղոթքի ժամանակ Երեւանի Սուրբ Գրիգոր Լուսավորիչ եկեղեցում: Մոսկվայի եւ Համայն Ռուսիո Պատրիարք Նորին Սրբություն Կիրիլ Առաջինի խոսքը Երեւանի Սուրբ Գրիգոր Լուսավորիչ մայր եկեղեցում: Ն. Ս. Օ. Տ. Տ. Գարեգին Բ. Ամենայն Հայոց Կաթողիկոսի խոսքը Երեւանում ռուսական եկեղեցու հիմնարկների առիթով: Համատեղ հայտարարություն Մոսկվայի եւ Համայն Ռուսիո Նորին Սրբություն Կիրիլ Պատրիարքի եւ Ն. Ս. Օ. Տ. Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսի միջեւ:

Մաքենագիտության առանձնահատուկ եւ յուրօրինակ սկզբունքներից է նաեւ, բացի հողվածում եղած ենթավերնագրերի կցումը նկարագրությանը՝ հեղինակի նոր փողից սկսված ծանոթագրությունը՝ այն դեպքում, երբ հողվածի վերնագիրը եւ ենթավերնագրերը լիովին չեն բացահայտում հողվածի բովանդակությունը: Այս ծանոթագրությունները լրացուցիչ տեղեկություններ են տալիս հողվածի մասին, որոնք, ինչպես ենթավերնագրերը, նույնպես օգնում են փնտրած նյութը մաքենագիտության մեջ գտնելուց հետո կողմնորոշվել՝ արժեք հողվածն ամսագրում փնտրել, թե՛ ոչ: Օրինակ՝

Հայրապետական տնօրինություն: 2007, ԺԲ., էջ 5:

Կարգալույծ են արվել Տ. Հովհաննես արք. Մայիլյանը եւ Տ. Նորայր արք. Սիմոնյանը:

Մաքենագիտության մեջ «Մայր Աթոռում. եկեղեցական բնմ. լուրեր (սկսած ուսանողական շրջանից)» խորագիր-վերնագիրը կրող բաժինը օրագրության տեսքով ներկայացնում է Վեհափառ Հայրապետի գրեթե յուրաքանչյուր օրվա իրադարձություն՝ սկսած դեռեւս ուսանողական տարիներից: Բացի սրանից, մաքենագիտության մեջ հանդիպում են նաեւ «Հովվապետական եւ պաշտոնական այցելություններ», «Տանդիպումներ», «Դեպքաններ (ընդունելություն)», «Ընդունելություններ եւ այցելություններ (զանազան)», «Ուխտագնացություն եւ ուխտավորների ընդունելություն» վերաբառություն ունեցող խորագրեր, որտեղ ներկայացվում են Մայր Աթոռ ժամանած հյուրերը, թեմակալ առաջնորդները, սփյուռքի նշանավոր գործիչներ եւ այլք:

Մաքենագիտության մեջ տեղ գտած «Կոնդակներ (անդրանիկ կոն-

դակ, իսառը կոնդակներ, «Սուրբ Գրիգոր Լուսավորիչ», «Սուրբ Սահակ Սուրբ Մեսրոպ» և «Սուրբ Ներսես Շնորհալի»), «Նայրապետական խուք և կոնդակ՝ նվիրված Մեծ Եղեռնին», «Կոչեր», «Նամարեղ հայ-տարարություններ», «Նայրապետական քարոզ», «Օրինության խուք», «Նայրապետական ուղերձ», «Նայրապետական պատգամ», «Օրինության և գնահատանքի գրեր», «Շնորհավորական գրեր», «Ողջույնի խուք», «Նայրապետական խուք», «Բարեմադրություններ» խորագրերն արտացոլում են Վեհափառ Նայրապետի կաթողիկոսության փառքների իրադարձությունները՝ փարվա կամ ամսվա կտրվածքով: Վեհափառ Նայրապետի և այլ Եկեղեցիների հոգևոր պետերի միջև փոխանակված ողջույնի հեռագրերն ու գրությունները լույս են սփռում մեր Եկեղեցու էկումենիկ կապերի վրա:

Մաքենագիտության մեջ հեղինակը կարևորելով Գերագույն Տոգևոր Խորհրդին նվիրված հոդվածներն ու Նայրապետական գեկուցումները՝ դրանք առանձնացրել է «Նայրապետական գեկույց Գերագույն Տոգևոր Խորհրդի նիստերի ժամանակ» խորագրի ներքո և այլն:

Ներուաբար ամսագիրը, Վեհափառ Նայրապետի փառեգրությունը լինելով հանդերձ, նաև որոշ իմաստով Նրա օրագրությունն է:

Նշենք նաև, որ մաքենագիտությունն ունի 1420 նկարագրություն, որոնք բոլորն էլ սկզբից մինչև վերջ աճման կարգով ստացել են համապատասխան թվահամար:

Որպես թերություն կցանկանալիք նշել, որ հեղինակը փորձելով պահել ամսագրում հոդվածների, անուն-ազգանունների և վերնագրերի ուղագրությունն անփոփոխ թողնելու սկզբունքը, այնուամենայնիվ առանձին դեպքերում այն խախտել է: Նաջորդ վրիպումը, որ կարող էր նաև չլինել այն է, որ հեղինակը մաքենագիտության մեջ ներկայացնելով հոդվածի նկարագրությունը՝ երբեմն նաև փարբեր փառաբանակով և փարբեր փառաջակով ու անկյունավոր փակագծերում բերում է հոդվածում նկարագրվող իրադարձության օրը, ամիսը և թարեթիվը. օրինակ՝

Ամենայն Հայոց Կաթողիկոսն ընդունեց 337 բյուրոյի պատվիրակությանը [22 փետրվարի 2000]: 2000, Բ., էջ 17:

Յանկալի կլիներ, որ մաքենագիտության կազմող հեղինակը հաշվի առնելով այս լրացուցիչ փեղեկության կարևորությունը՝ վերոնշյալ սկզբունքը հնարավորին չափ կիրառեր բոլոր նկարագրություններում: Եւ որպես գլխավոր պակասություն պիտի հորդորենք հեղինակին, որ եթե ապագայում այս մաքենագիտությունը լրացվի և կամ վերահրապարակվի՝ անպայման մաքենագիտությունն օժտի մաքենագիտությունների բանալի հանդիսացող հեղինակային, անձնանունների, փեղերի և վանքերի ու եկեղեցիների անվանացանկերով,

որոնք վստահաբար ավելի օգտակար կլինեն մատենագիտությունից օգտվողների համար:

Ամփոփելով նշենք, որ Տ. Արարաթ քահանա Պողոսյանի կազմած «Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի «Էջմիածին» ամսագրի 1970-2010 մատենագիտությունը», որ անհատական լիակատար մատենագիտություն չէ, այլ իր մեջ ներառում է միայն «Էջմիածին» ամսագրում տպագրված նյութերը, այսքանով այն իր տեսակի մեջ լինելով միակը եւ նախորդը չունեցողը, քանզի 131 կաթողիկոսներից եւ ոչ մեկին նման աշխատանք չի նվիրվել: Վստահաբար ազգի մեծերին նվիրված նմանաբնույթ հրատարակությունների վիթխարի դերը հարկապես մեր երիտասարդության համար դաստիարակչական մեծ նշանակություն կունենա:

ՊԵՏՐՈՍ ՀՈՎՀԱՆՆԻՍՅԱՆ
պրոֆեսոր